

sus, quia non móritur; sed, Si eum volo manère, donec véniam, quid ad te? Noli arbitrári, inquit, eòdem modo me de vobis disposuisse. Hoc autem dixit, ut intempestívum afféctum, & consuetúdinis desidérium tólleret. Cùm enim essent orbis terrárum curam susceptúri, simul ámplius esse non oportèbat: magnum enim fuisset mundo detrimentum. Idcirco inquit: Opus suscepisti, id considera, pérfice, labóra, & te certamínibus expòne. Quid ad te, si volo eum manère hìc? tu officium tuum cura, & exéquere. Tu autem Dómine miserère nobis.

*R.* Deo grátias.

*Te Deum laudámus.* 65.

*Ad Laudes, Valdè honorándus. cum reliq. 229. Capitulum, Hymnus, ψ. & Antiphona ad Benedictus, & Oratio ut ibidem.*

*Pro commemor. SS. Innocent.*

*Aña.* Hi sunt, qui cum muliéribus

bus non sunt coinquináti: Vírgines enim sunt, & sequúntur Agnum quocúmque íerit. *ψ.* Heródes irátus occídít multos púeros. *R.* In Bèthlehem Judæ civitatè David.

*Oratio.*

**D**Eus, cujus hodiérna die præcónium Innocéntes mártires non loquendo, sed moriéndò conféssi sunt: ómnia in nobis vitiórum mala mortífica; ut fidem tuam, quam lingua nostra loquitur, étiam móribus vita fateátur. Per Dóminum nostrum Jesum Christum Fílium tuum: Qui tecum vivit & regnat in unitáte Spíritus sancti Deus.

*ψ.* Dóminus vobíscum. *R.* Et cum spírítu tuo. *ψ.* Benedicámus Dómino. *R.* Deo grátias. *ψ.* Fidélium ánimæ per misericórdiam Dei requièscent in pace. *R.* Amen.

*Ad Horas omnia ut in die Festi. 234.*

x

In

*Añã.* Valdè honorándus est beátus Joáñnes, qui supra pectus Dómini in cœna recúbuit.

*Psalmus 109.*

**D**ixit Dóminus Dómino meo: \*  
Sede à dextris meis:

**D**onec ponam inimicos tuos, \*  
scabéllum pedum tuórum.

**V**irgam virtútis tuæ emittet Dóminus ex Sion: \* dominâre in médio inimicórum tuórum.

**T**ecum princípium in die virtútis tuæ in splendoribus sanctórum: \*  
ex útero ante luciferum genui te.

**J**urávit Dóminus, & non poenitébit eum: \* Tu es sacérdos in ætérnum secúndum órđinem Melchisedech.

**D**óminus à dextris tuis, \* confrégit in die iræ suæ reges.

**J**udicábit in natióibus, implébit ruínas: \* conquassábit cápita in terra multórum.

**D**e torrénite in via bibet: \*  
prop-

proptérea exáltábit caput.

**G**loria Patri **S**icut erat.

*Añã.* Valdè honorándus est beátus Joáñnes, qui supra pectus Dómini in cœna recúbuit.

*Añã.* Hic est discipulus ille, qui testimónium pérhibet de his: & scimus quia verum est testimónium ejus.

*Psalmus 112.*

**L**audáte púeri Dóminum: \*  
laudáte nomen Dómini.

**S**it nomen Dómini benedictum: \*  
ex hoc nunc, & usque in séculum.

**A** solis ortu usque ad occásum: \*  
laudábile nomen Dómini.

**E**xcélsus super omnes Gentes Dóminus, \* & super cœlos glória ejus.

**Q**uis sicut Dóminus Deus noster, qui in altis hábitat, \* & humilia réspicit in cœlo & in terra?

**S**úscitans à terra ínopem, \* & de stercore érigens páuperem:

**U**t collocet eum cum princípibus:  
bus:

bus : \* cum princípibus pópuli sui.  
 Qui habitare facit stérilem in do-  
 mo , \* matrem filiôrum lætântem.  
 Glória Patri. Sicut erat.

*Añã.* Hic est discipulus ille , qui  
 testimónium pèrhibet de his : &  
 scimus quia verum est testimónium  
 ejus.

*Añã.* Hic est discipulus meus : sic  
 eum volo manère donec véniam.

*Psalmus 115.*

**C**RÉdidi , propter quod locú-  
 tus sum : \* ego autem hu-  
 miliâtus sum nimis.

**E**go dixi in excéssu meo : \* Om-  
 nis homo mendax.

**Q**uid retribuam Dómino , \* pro  
 omnibus , quæ retribuit mihi?

**C**álicem salutâris accípiam : \* &  
 nomen Dómini invocábo.

**V**ota mea Dómino reddam coram  
 omni pópulo ejus : \* pretiôsa in  
 conspéctu Dómini mors sanctô-  
 rum ejus.

**O** Dómine quia ego servus tuus : \*  
 ego

ego servus tuus , & filius ancíllæ  
 tuæ.

**D**irupísti víncula mea : \* tibi sa-  
 crificábo hóstiam láudis , & no-  
 men Dómini invocábo.

**V**ota mea Dómino reddam in  
 conspéctu omnis pópuli ejus : \* in  
 átriis domus Domini , in médio  
 tui Jerúsalem.

Glória Patri. Sicut erat.

*Añã.* Hic est discipulus meus : sic  
 eum volo manère donec véniam.

*Añã.* Sunt de híc stántibus , qui  
 non gustábunt mortem , donec vi-  
 deant Fílium hóminis in regno suo.

*Psalmus 125.*

**I**N converténdo Dóminus cap-  
 tivitâtem Sion , \* facti sumus  
 sicut consoláti:

**T**unc replétum est gáudio os nos-  
 trum : \* & lingua nostra exulta-  
 tióne.

**T**unc dicent inter Gentes : \*  
 Magnificávit Dóminus fácere cum  
 eis.

Magnificavit Dóminus fácere nobiscum : \* facti sumus lætantes.

Convérte Dómine captivitatem nostram, \* sicut torrens in Austro.

Qui séminant in lácrymis, \* in exultatióne metent.

Eúntes ibant & flebant, \* mittentes sémina sua.

Veniéntes autem vénient cum exultatióne, \* portantes manúlos suos.

Gloria Patri. Sicut erat.

**Añã.** Sunt de híc stántibus, qui non gustábunt mortem, donec vídeant Fílium hóminis in regno suo.

**Añã.** Ecce puer meus eléctus, quem elégi, pósui super eum spíritum meum.

**Psalmus 138.**

**D**omine probásti me, & cognovísti me : \* tu cognovísti sessiõnem meam, & resurrectiõnem meam.

Intellexísti cogitatiõnes meas de longè : \* sémitam meam, & fu-

ní-

nículum meum investigásti.

Et omnes vias meas prævidísti : \* quia non est sermo in lingua mea.

Ecce Dómine tu cognovísti ómnia novíssima & antiqúia : \* tu formásti me, & posuísti super me manum tuam.

Mirábilis facta est sciéntia tua ex me : \* confortáta est, & non pótero ad eam.

Quò ibo à spíritu tuo ? \* & quò à fácie tua fúgiam?

Si ascéndero in cœlum, tu illic es : \* si descéndero in inférnum, ades.

Si sumpsero pennas meas dilúculo, \* & habitávero in extrémis maris:

Etenim illuc manus tua dedúcet me : \* & tenèbit me dèxtera tua.

Et dixi : Fórsitan ténebræ conculcábunt me : \* & nox illuminatiõ mea in deliciis meis.

Quia ténebræ non obscurabúntur à te, & nox sicut dies illuminá-

x 4

bi-

bitur : \* sicut tenebræ ejus , ita  
& lumen ejus.

**Q**uia tu possedisti renes meos : \*  
suscepisti me de útero matris meæ.

**C**onfitebor tibi , quia terribiliter  
magnificatus es : \* mirabilia ópera  
tua , & ánima mea cognóscit nimis.

**N**on est occultatum os meum à  
te , quod fecisti in occulto : \* &  
substantia mea in inferioribus  
terræ.

**I**mperfectum meum viderunt ócu-  
li tui , & in libro tuo omnes scri-  
bentur , \* dies formabuntur , &  
nemo in eis.

**M**ihi autem nimis honorificati  
sunt amici tui , Deus : \* nimis  
confortatus est principatus eorum.

**D**inumerabo eos , & super arè-  
nam multiplicabuntur : \* exurre-  
xi , & adhuc sum tecum.

**S**i occideris Deus peccatores : \*  
viri sanguinum declinate à me:

**Q**uia dicitis in cogitatione : \* Ac-  
cipient in vanitate civitates tuas.

**Non-**

**N**onne qui oderunt te Dómine,  
óderam : \* & super inimicos tuos  
tabescēbam?

**P**erfecto odio óderam illos : \* &  
inimici facti sunt mihi.

**P**roba me Deus , & scito cor  
meum : \* interroga me , & cog-  
nosce sémitas meas.

**E**t vide , si via iniquitatis in me  
est , \* & deduc me in via æterna.

**G**loria Patri. **S**icut erat.

**Añã.** Ecce puer meus electus,  
quem elegi , posui super eum spi-  
ritum meum.

**Capitulum & alia, ut in die 238.  
cum commemoratione SS. Inno-  
centium.**

**Añã.** Hi sunt , qui cum mulieri-  
bus.

**ŷ.** Heródes iratus. **Oratio.** Deus  
cujus hodierna die. **ut supra.** 481.

**IN OCTAVA**

**Sanctorum Innocentium.**

**Duplex.**

**x 5 Om-**

490 In Oct. SS. Innocent.

Omnia dicuntur sicut in Festo, 242. præter Lectiones: & omittitur nonum B. cujus loco dicitur.

Te Deum laudamus. 83.

In primo Nocturno.

De Epistola ad Romanos.

Lectio j. Cap. 5.

**J**ustificati ergo ex fide, pacem habeamus ad Deum per Dominum nostrum Jesum Christum: per quem & habemus accessum per fidem in gratiam istam, in qua stamus, & gloriâmur in spe gloriæ filiôrum Dei. Non solùm autem, sed & gloriâmur in tribulatiônibus: sciéntes quòd tribulatio patientiam operâtur, patientia autem probatiônem, probatio verò spem, spes autem non confundit: quia charitas Dei diffûsa est in còrdibus nostris per Spîritum sanctum, qui datus est nobis. Tu autem Domine miserêre nobis. B. Deo grâcias. B. Centum quadraginta quâtuor mil-

In Oct. SS. Innocent. 491

lîlia, qui empti sunt de terra, hi sunt qui cum mulieribus non sunt coinquinati; \* Virgines enim permanserunt, idèò regnant cum Deo, & Agnus Dei cum illis. V. Isti sunt qui venerunt ex magna tribulatiône, & laverunt stolas suas in sânguine Agni. Virgines enim permanserunt, idèò regnant cum Deo, & Agnus Dei cum illis. V. Jube domne benedicere. Benedictio. Unigénitus Dei Fílius nos benedicere & adjuvâre dignêtur. B. Amen.

Lectio ij.

**U**T quid enim Christus, cùm adhuc infirmi essêmus, secúndum tempus pro impiis mórtuus est? Vix enim pro justo quis móritur: nam pro bono fòrsitan quis áudeat, mori. Comméndat autem charitatê suam Deus in nobis: quóniam cùm adhuc peccatóres essêmus, secúndum tempus Christus pro nobis mórtuus est:

est: multò igitur magis nunc iustificati in sanguine ipsius, salvi erimus ab ira per ipsum. Tu autem Domine miserere nobis. **R.** Deo gratias.

**R.** Sub altare Dei audivi voces occisorum dicentium: \* Quare non defendis sanguinem nostrum? & acceperunt divinum responsum: Adhuc sustinete modicum tempus, donec impleatur numerus fratrum vestrorum. **V.** Vidi sub altare Dei animas interfectorum propter verbum Dei, & propter testimonium quod habebant, & clamabant voce magna, dicentes. Quare non defendis sanguinem nostrum? Et acceperunt divinum responsum: Adhuc sustinete modicum tempus, donec impleatur numerus fratrum vestrorum.

**V.** Jube domne benedicere. **Benedictio.** Spiritus sancti gratia illuminet sensus & corda nostra.

**R.** Amen.

**Lec-**

**Lectio iij.**

**S**I enim cum inimici essemus, reconciliati sumus Deo per mortem Filii ejus: multò magis reconciliati, salvi erimus in vita ipsius. Non solum autem, sed & gloriamur in Deo per Dominum nostrum Jesum Christum, per quem nunc reconciliatorem accepimus. Propterea, sicut per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt. Tu autem Domine miserere nobis. **R.** Deo gratias.

**R.** Adoraverunt viventem in secula seculorum, \* Mittentes coronas suas ante thronum Domini Dei sui.

**V.** Et ceciderunt in conspectu throni in facies suas: & benedixerunt viventem in secula seculorum. Mittentes coronas suas ante thronum Domini Dei sui. **G**loria Patri, & Filio, & Spiritui sancto.

Mit-

Mittentes coronas suas ante thronum Domini Dei sui.

*In secundo Nocturno.*

Sermo S. Augustini Episcopi.

*Serm. I. de Innocentibus.*

*Lectio iv.*

**N**Ascēte Dōmīno luctus cōepit, non cōelo, sed mūdo: indicitur mātribus lamentatio, Angelis exultatio, infātibus transmigratio. Deus est, qui natus est: Innocētes illi debentur vīctima, qui venit damnāre mūdi malitiam. Agnelli debent immolari, quia Agnus futūrus est crucifigi, qui tollit peccāta mūdi. Sed oves ululant matres, quia agnos perdunt sine voce balantes. Grande martyrium, crudēle spectāculum! Eximitur machera, & nulla intēvenit causa: sola stridet invidia, cūm qui natus est, nulli faciāt violentiam. Sed oves cernimus matres, quæ super agnos lugent. Vox in Rama audita est, ploratus & ululā-

latus magnus. Pignora sunt, non credita, sed creata: non deposita, sed expōsita. Tu autem Dōmine miserere nobis. *R.* Deo grātiās.

*R.* Effuderunt sāguinem sanctōrum velut aquam in circūitu Jerūsalem: \* Et non erat qui sepeliret. *V.* Posuerunt mortalia servōrum tuōrum escas volatilibus cōeli, carnes sanctōrum tuōrum bēstiis terræ. Et non erat qui sepeliret.

*V.* Jube domne benedicere. *Benedictio.* Christus perpētux det nobis gāudia vitæ. *R.* Amen.

*Lectio v.*

**T**Estis est ipsa natūra, quæ pugnabat in mātyres, cūm tyrānnus jactāret infāntes. Mater crines cāpitis dissipābat, quæ ornamentū cāpitis amittēbat. Quantis modis infāntem volēbat abscondere, & ipse se infāntulus publicābat! Nesciēbat tacere, quia necdum didicerat formidare. Pugnabat mater, & carnifex: ille trahē-

bat,



bat, illa tenêbat. Ad carnificem mater clamâbat: Quid séparas à me, quem génui ex me? Uterus génuit, non mansit ille, cùm vixit, úbera mea frustrà lacte contórquens. Cautè portávi, quem à te vídeo manu crudéli jactári. Modò eum effuderunt víscera mea, & tu elídis ad terram. Tu autem Dómine miserêre nobis. **R.** Deo grátias.

**R.** Isti sunt sancti, qui passi sunt propter te Dómine: víndica eos,

\* Quia clamant ad te quotidie.

**V.** Víndica Dómine sánguinem sanctórum tuórum, qui effúsus est. Quia clamant ad te quotidie.

**V.** Jube domne benedícere. **Benedictio.** Ignem sui amôris accéndat Deus in córdibus nostris. **R.** Amen.

**Lectio vj.**

**A**lia acclamâbat mater, cùm exáctor latro non compélleret simul occídi cum párvulo matrem: Ut quid me dimíttis inânem?

nem? Si culpa est, mea est: si non est crimen, junge mortem, & libera matrem. Alia dicêbat: Quid quæritis? Unum quæritis, & multos occíditis; & ad unum, qui unus est, attingere non potéstis. Alia contrà clamâbat: Veni jam, veni Salvátor mundi, quámdiù quærêtis? Nullum times: vídeat te miles, & nostros non occídat infántes. Miscebâtur lamentatio matrum, & ad cœlum transíbat oblátio parvulórum. Tu autem Dómine miserêre nobis. **R.** Deo grátias.

**R.** Isti sunt, qui non inquinaverunt vestiménta sua: \* Ambulábunt mecum in albis, quia digni sunt. **V.** Hi sunt, qui cum mulieribus non sunt coinquináti: Vírgines enim sunt. Ambulábunt mecum in albis, quia digni sunt. **G**loria Patri, & Fílio, & Spirítui sancto. Ambulábunt mecum in albis, quia digni sunt.

**In**

*In tertio Nocturno.*

**L**ectio sancti Evangélii secundùm  
Matthæum.

*Lectio vij. Cap. 2. c*

**I**N illo tẽpore : Angelus Dõ-  
mini apparuit in somnis Jo-  
seph , dicens : Surge , & accipe  
puerum , & matrem ejus , & fuge  
in Ægyptum , & esto ibi usque  
dum dicam tibi. Et reliqua.

Homilia sancti Joannis Chry-  
sostomi.

*Ex Homilia 8. in Matth. ante  
medium.*

**Q**Uæ cùm audisset Joseph , ne-  
quãquam passus est scãnda-  
lum , neque dixit : Incerta ista res  
est , ac prorsus ambigua. Tu pau-  
lò antè dicẽbas , quia salvabit pò-  
pulum suum , & nunc seipsum  
quidem non potest de periculis  
liberare : sed fuga nobis est neces-  
saria , & peregrinatio , ac transmi-  
gratio longinqua. Contraria omni-

no

no sunt facta promissis. Sed horum  
nihil prorsus oppõnit : vir enim  
erat fidelis , neque reversiõnis  
tempus curiosè inquirit , quod ùti-  
què ab Angelo non signate fuerat  
expressum : sed , Esto ibi , inquit,  
usquequò dicam tibi. Tu autem  
Dõmine miserere nobis. *R.* Deo  
gratias.

*R.* Cantabant sancti canticum  
novum ante sedem Dei & Agni:  
\* Et resonabat terra in voces eõ-  
rum. *V.* Hi empti sunt ex homini-  
bus primitiæ Deo & Agno , & in  
ore ipsõrum non est inventum  
mendacium. Et resonabat terra in  
voces eõrum.

*V.* Jube domne benedicere. *Bene-  
dictio.* Quorum festum colimus  
ipsi intercédant pro nobis ad Dõ-  
minum. *R.* Amen.

*Lectio viij.*

**V**ERùm ille nec per ista qui-  
dem factus est sègnior , sed  
obedivit libentè , & credidit, om-

nes

nes prorsus tribulationes cum gaudio sustinendo. Enimvero misericors Deus moestis rebus quaedam etiam jucunda permiscuit. Quod certe in sanctis omnibus facit, quos neque tribulationes, neque jucunditates sinit habere continuas: sed tum de adversis, tum ex prosperis justorum vitam quasi admirabili varietate contexit. Quod hic quoque eum fecisse considera. Tu autem Domine miserere nobis.

**R.** Deo gratias.

**R.** Vidi sub altare Dei animas interfectorum propter verbum Dei quod habebant, & clara voce dicebant: \* Vindica Domine sanguinem sanctorum tuorum, qui effusus est. **V.** Sub throno Dei omnes sancti clamant. Vindica Domine sanguinem sanctorum tuorum, qui effusus est. **G**loria Patri, & Filio, & Spiritui sancto. Vindica Domine sanguinem sanctorum tuorum, qui effusus est.

**V.**

**V.** Jube domne benedicere. **Benedictio.** Ad societatem civium supernorum perducat nos Rex Angelorum. **R.** Amen.

**Lectio ix.**

**V**idendo quippe sanctus Joseph gravidam Virginem, in conturbationem incidit maximam: sed adfuit repente Angelus, timorem prorsus extinguens. Deinde videns puerum natum, maxima exultatione replatus est: sed rursus huic etiam gaudio periculum grande successit, cum tota utique civitas turbaretur, ipse rex fureret, & ad necem puerum quareret. Sed & hunc moerorem alia rursus laetitia subsecuta est, apparitio videlicet stellae, & adoratio Magorum. Post hanc quoque jucunditatem iterum periculum, iterumque formido. Quærit, inquit, Herodes animam pueri, & fugere necesse est, & in longinqua transire. Tu autem Domine

ne

ne miserere nobis. *R.* Deo gratias.  
Te Deum laudamus. 65.

*Ad Laudes & per Horas omnia  
ut in die Festi, 272. omissis Com-  
memorationibus.*

*In secundis Vesperis Antiphona  
de Laudibus, ibidem. Psalmi  
ut in primis Vesperis diei festi Na-  
tivitatis, & loco ultimi dicitur se-  
quens*

*Psalmus 115.*

**C**Rédidi, propter quod locu-  
tus sum: \* ego autem hu-  
miliatus sum nimis.

**E**go dixi in excéssu meo: \* Om-  
nis homo mendax.

**Q**uid retribuam Dómino, \* pro  
ómnibus, quæ retribuit mihi?

**C**álicem salutáris accípiam: \* &  
nomen Dómini invocábo.

**V**ota mea Dómino reddam co-  
ram omni pópulo ejus: \* pretiôsa  
in conspéctu Dómini mors sanc-  
tôrum ejus.

**O** Dómine, quia ego servus tuus: \*  
ego

ego servus tuus, & filius ancillæ  
tuæ.

**D**irupisti víncula mea: \* tibi sa-  
crificábo hóstiam laudis, & no-  
men Dómini invocábo.

**V**ota mea Dómino reddam in  
conspéctu omnis pópuli ejus: \* in  
átriis domus Dómini, in médio  
tui Jerúsalem.

**G**lória Patri. *Sicut erat.*

*Post Orationem SS. Innocen-  
tium fit commemor. de Vigilia  
Epiphaniæ, Antiphona. Puer Je-  
sus proficiébat ætáte & sapiéntia  
coram Deo & homínibus. V. No-  
tum fecit Dóminus, alleluia.*

*R. Salutáre suum, alleluia.*

*O*irémus.

*Oratio.*

**O**Mnípotens sempitérne Deus,  
dirige actus nostros in bene-  
plácito tuo: ut in nómine dilécti  
Fílii tui mereámur bonis opéribus  
abundáre.

*Deinde fit commemoratio sanc-  
ti Telesphori Papæ & Martyris.*

*Aña.*